



# **Universitätsbibliothek Paderborn**

**Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

5. Dies Januarii. Primas apud nos curas, quæ prima habentur, obtineant.

**urn:nbn:de:hbz:466:1-45477**

## 5. DIES JANUARII.

Primas apud nos curas , quæ prima habentur , obtineant. *Eucher. Epist. parane.*

Primum quæ-  
rendum cœ-  
lum.

I. **N**on satis est velle in vitæ progressu servare ordinem , sed in ipso ordine servandus est ordo , ut serveris per ordinem. Quapropter ne in ordine servando actum agas , is tibi sit norma agendi , qui est purissimus actus , Deus. Statim , ubi cœpit esse tempus , cœpit per quem sunt tempora , operari Deus. Quæris , quod fuit ipsi initium operis ? Hoc tibi suggeret primum caput Genesis , & ex eo intelliges seriem observandi ordinis. (a) In principio creavit Deus cœlum & terram. En ordinem. Primo cœlum , dein creavit terram. Totum nostrum vivere , nil est , nisi aliquid quærere. Quæris , quid sit tibi primo quærendum ? respondeat qui te quærerit : (b) Quarite primum regnum Dei. Cœlum comparare , & cœlestia curare , sit tibi cura non tantum prima , sed tota. Illud igitur sit tibi quæsumum primum , quod est inventu summū. Creatus est tibi animus non tantum ē cœlo , sed propter cœlum. Periculum igitur , imo perniciem tibi creas , si aliud impensius ambis pœco , propter quod es creatus.

II. Quælibet animi actio , est quædam veluti creatio. Dum quippe animus agit , aliquid esse incipit , quod

(a) *Gen. 1.2.* (b) *Luc. 12. 13.*

quod non fuit. Memoria dum quid recolit; intellectus dum cogitat; voluntas dum amat, aliquid creat. In principio hujus Anni, secuturi mensis, futurae hebdomadis, cujuscunque diei, illud quod creas, sit primum ordine, quod Deo fuit primum in creando, tempore, Cælum, id est, Regnum Dei. Porro Regnum Dei, est ipse Deus, hic regnans in nobis per gratiam, postea per gloriam. Debet ergo illud queri ut finis, quia quod queratur ad nostrum bonum, nihil est supra, vel ultra propter hoc ergo unum facienda sunt omnia, quæcunque facimus. Si quid autem queras, quod est sub cœlo, quærendum est propter cœlum. Si alia præ hoc desideres, illa & perdes tu, & perderent te. Quid sentires de homine, qui, quia contractior est calceus quam pes; partem abscindet pedis, ut calceo respondeat pes? insanites; nisi insanum censeret. Est enim calceus propter pedem, non pes propter calceum. Partua est vesania mentis, insania cordis; dum perversus inverso ordine præfers terram Cœlo, tempus æternitati, corpus animæ, cænum auro.

III. Sic autem Regnum Dei præ omnibus queras, ut præ illo omnia negligas. Terra, cum sit infrate, est calcanda non adoranda. Indignum est, animal dignissimum, rectum, & ad cœlum erectum curvari ad terram. Ideo statum sublimem, præter cæteras animantes accepimus, ut non revolvamur deorsum, nec hunc cœlestem vultum projiciamus ad terram, sed oculos eo dirigamus, quo illos naturæ suæ conditio, direxit, nihilque aliud adoremus nisi solius opificis nostri numen. Venisti in mundum,

non

uanar.

Tessera.

13

non ut esses de mundo, sed supra mundum, ut sic aliquando sis intra cœlum. Illum despice hoc suscipere, ut te olim suscipiat. Et illud altè menti im prime, frustra sum, frustra hic vivo, frustra omnia, dum hie dego, ago, totoque cœlo aberro à cœlo, si quid studiosius quæro, & impensis opto pro eo, quod est optabilium omnium optabilissimum, cœlum. Procul à nobis illud pessimum pessimorum axioma: *Quæ supra nos, nihil ad nos.* Imo nihil magis est nostrum, quam quod est supra nos. Tametsi angusto calle tenditur ad illa quæ sunt sursum, pii vatis calculo, dum ita canit:

*Est iter angustum, quod ducit ad æthera sursum.*

## 6. DIES JANUARII.

Qui se sibi Magistrum constituit; stulto se discipulum subdit. Bern. Epist. 87. ad Ogeri.

Opus est dire-  
ctore in via  
perfectionis.

**Q**uid refert scire ut ordi-  
nem serves, ea esse ele-  
genda primùm, quæ di-  
gnitate sunt prima, si quæ illa sint, ignores? ideo ele-  
gendus est Magister, sub cuius disciplinâ sis in via  
vitæ, non tantum ab errore tutus, sed à metu erroris  
securus. Si nolis esse discipulus hominis, fies tibi  
ipsi Magister erroris. (a) *Nulla ars sine tempore disci-  
tur, & absque præceptore. Ars artium sola sine  
Magistro*

(a) S. Nilus, Lib. Aſce.